

ԱՐՁԱՆԱԳՐՈՒԹՅՈՒՆ

Հայաստանի Հանրապետության ֆինանսների նախարարության և Լիտվայի Հանրապետության ֆինանսների նախարարությանն առընթեր պետական հարկային տեսչության միջև «Հայաստանի Հանրապետության կառավարությանն առընթեր հարկային պետական ծառայության և Լիտվայի Հանրապետության ֆինանսների նախարարությանն առընթեր պետական հարկային տեսչության միջև հարկային հարցերում փոխադարձ վարչական օգնության մասին» Համաձայնագրում փոփոխություններ կատարելու վերաբերյալ

ՀՀ ֆինանսների նախարարությունը և Լիտվայի Հանրապետության ֆինանսների նախարարությանն առընթեր պետական հարկային տեսչությունը (այսուհետ՝ Կողմեր)

ելնելով 2000 թվականի մարտի 13-ին ստորագրված «Հայաստանի Հանրապետության և Լիտվայի Հանրապետության միջև կնքված եկամուտների և գույքի կրկնակի հարկումը բացառելու և հարկերի վճարումից խուսափելը կանխելու մասին» համաձայնագրի (այսուհետ՝ Կոնվենցիա) 26-րդ «Տեղեկությունների փոխանակում» հոդվածի դրույթներից

հաշվի առնելով միջազգային համագործակցության և փոխադարձ օգնության կարևորությունը, ընդգծելով տեղեկությունների ավտոմատ փոխանակումը հարկային կարգապահության մոտեցումներին համապատասխան իրականացնելու անհրաժեշտությունը, ցանկանալով միմյանց ապահովել բազմատեսակ փոխադարձ աջակցություն,

հղում կատարելով 2005 թվականի հոկտեմբերի 16-ին ստորագրված «Հայաստանի Հանրապետության կառավարությանն առընթեր հարկային պետական ծառայության և Լիտվայի Հանրապետության ֆինանսների նախարարությանն առընթեր պետական հարկային տեսչության միջև հարկային հարցերում փոխադարձ վարչական օգնության մասին» համաձայնագրի (այսուհետ՝ Համաձայնագիր) 12-րդ «Փոփոխություններ և կիրառություններ» հոդվածին՝ Հայաստանի Հանրապետության և Լիտվայի Հանրապետության հարկային վարչարարության իրավասու մարմինները համաձայնության եկան փոփոխություն կատարել Համաձայնագրի 4-րդ «Տեղեկությունների ավտոմատ փոխանակում» հոդվածում և շարադրել հետևյալ խմբագրությամբ.

«Յուրաքանչյուր օրացուցային տարվա ավարտից հետո, բայց ոչ ուշ, քան հաջորդ օրացուցային տարվա երկրորդ եռամսյակի ավարտը, մի Պայմանավորվող պետության իրավասու մարմինը փոխադարձության հիմքով, առանց որևէ հատուկ պահանջի, ավտոմատ կերպով կապահովի տեղեկատվության հասանելիությունը այն ֆիզիկական և իրավաբանական անձանց վերաբերյալ, որոնք հանդիսանում են մյուս Պայմանավորվող պետության ռեզիդենտներ: Վերոնշյալ տեղեկատվությունը վերաբերում է հետևյալին.

- a) Աշխատավարձեր, ռոճիկներ, կենսաթոշակներ և Կոնվերցիայի 15-րդ, 18-րդ և 19-րդ հոդվածներում նշված այլ վարձատրություններ,
- b) Կոնվերցիայի 10-րդ հոդվածում նշված շահաբաժիններ,
- c) Կոնվերցիայի 11-րդ հոդվածում նշված տոկոսներ,
- d) Կոնվերցիայի 12-րդ հոդվածում նշված ռոյալթիներ,
- e) Կոնվերցիայի 13-րդ հոդվածում նշված գույքի արժեքի հավելաճից եկամուտներ,
- f) Կոնվերցիայի 14-րդ, 16-րդ, 17-րդ և 20-րդ հոդվածներում նշված եկամուտներ,
- g) Կոնվերցիայի 6-րդ հոդվածում նշված անշարժ գույքի սեփականությունից եկամուտներ:

Տեղեկատվությունը տրամադրվում է էլեկտրոնային SC24 Standard Magnetic եղանակով:

Եթե տրամադրված տեղեկատվությունը սխալ կամ թերի է, տեղեկատվությունը ստացող իրավասու մարմինը հնարավորինս շուտ պետք է դրա մասին տեղեկացնի մյուս իրավասու մարմնին: Նույնը վերաբերում է տրամադրված տվյալների վերծանման տեխնիկական խնդիրներին կամ դժվարություններին:

Եթե տեղեկատվությունը ուղարկող իրավասու մարմինը հայտնաբերում է, որ այդ տեղեկատվությունը սխալ կամ թերի է, ապա պետք է հնարավորինս շուտ ապահովի ճշտված կամ ամփոփ տվյալները, և տեղեկացնի մյուս իրավասու մարմնին փոխարինված նոր տվյալների կամ ավելի վաղ տրամադրված տվյալների փոփոխվելու մասին:»

Սույն Արձանագրությունը կնքվում է անորոշ ժամկետով և ուժի մեջ է մտնում դրա համար անհրաժեշտ Պայմանավորվող պետությունների ազգային օրենսդրությամբ սահմանված ընթացակարգերն ավարտելու մասին դիվանագիտական ուղիներով վերջին ծանուցումը ստանալու օրվանից:

Կատարված է Երևան քաղաքում, 2015 թվականի հոկտեմբերի 28-ին, երկու բնօրինակով, յուրաքանչյուրը հայերեն, լիտվերեն և անգլերեն, ընդ որում երեկ տեքստերն էլ հավասարազոր են: Մեկնաբանման ժամանակ տարակարծությունների դեպքում գերակայում է անգլերեն լեզվով տեքստը:

Հայաստանի Հանրապետության
Ֆինանսների նախարարության անունից



Արմեն Ավակյան
Նախարարի տեղակալ

Լիտվայի Հանրապետության
Ֆինանսների նախարարությանն
առընթեր պետական հարկային
տեսչության անունից



Դաիմորամ Բրադաուսկաս
ղեկավար